



Cov Kev Cai Tswj Tej Cuab Yeej Digital Nqa Mus Tsev

MMSD Lub Zeem Muag Rau Txoj Kev Kawm Digital

Cov me nyuam kawm ntawv, cov neeg ua hauj lwm, thiab cov yim neeg yuav koom rau txoj kev kawm ntaub ntawv digital thiab txoj kev siv (digital literacy learning and application) hauv txoj kev tshawb tej yam tshiab, kev koom tes ua ke, thiab kev tsim tej yam tshiab. Muaj cov cuab yeej digital thiab cov chaw kawm siv tau, ywv siab, thiab nyias ua nyias rau txhua tus me nyuam kawm ntawv nyob rau txhua lub tsev kawm ntawv yuav muab tau cov kev kawm muaj txhua yam, muaj ntau haiv. Txoj kev txhim kho ua hauj lwm tsis tu ncua rau cov neeg ua hauj lwm yuav tshawb tau txoj kev qhia ntawv muaj txiaj ntsim siab thiab muab tau txoj kev ua hauj lwm tsim nyog thiab xib siab rau txhua tus me nyuam kawm ntawv. Cov me nyuam kawm ntawv, cov neeg ua hauj lwm thiab cov yim neeg yuav tsim muaj lub zej zog digital huaj vam los mus tshawb txhua tus me nyuam kawm ntawv kom kawm tiav hauv tsev kawm phaj siab npaj txhiaj zog rau tsev kawm qib siab, kev ua hauj lwm, thiab lub zej zog.

Muab lub zeem muag no xav rau cov me nyuam kawm ntawv txhua tus peb yuav muab txoj hau kev mus siv cov kev pab kawm digital tseem ceeb rau txhua tus me nyuam kawm ntawv hauv qib 5 txog qib 12 txhua lub sij hawm, txhua qhov chaw uas yog tso cai rau cov me nyuam kawm ntawv nqa lawv cov Chromebooks los tsev rau yav tsaus ntuj thiab ob hnuv so.

Txoj hau kev kawm txaus siab no muaj tej yam kev pov plob thiab kev thaj tsob. Qhov tseem ceeb tshaj plaws, tsis hais tus me nyuam kawm ntawv siv lub cuab yeej rau qhov twg – nyob tom tsev, nyob tom tsev kawm ntawv los yog hauv ib lub khw haus coffee – lawv yuav tsum ua cov pej xeeb thiab cov neeg siv digital pov plob zoo. Cov me nyuam kawm ntawv txhua tus yuav tsum ua raws li tej yam yuav tau ua uas teev tseg rau hauv Cheeb Tsam Tsev Kawm Ntawv Tsab Cai Lees Txais Siv Tau – Tsoom Fwv Tswj Kev Kawm Tsab Cai 3721 (Tsab Cai Tswj Me Nyuam Kawm Ntawv, Cov Txheej Txheej Siv, thiab Cov Kev Cai Tswj Rau Siv Cuab Yeej). Tus me nyuam kawm ntawv kuj yuav raug muab kev qhuab qhia yog tias nws tsis ua kom muaj tus cwj pwm ruaj ntseg, hmo tshua, thiab pov plob thaum siv nws lub cuab yeej.





Cov Kev Cai Tswj Tej Cuab Yeej Digital Nqa Mus Tsev

Kev Siv Lub Cuab Yeej Lub Cuab Yeej

Peb yuav muab cov khoom thiab tej yam siv los pab ntawd rau txhua tus me nyuam kawm ntawv:



Lub Chromebook - nqa los tsev thiab nqa rov tuaj tom tsev kawm ntawv txhua hnub.



Txoj Hlua Txhab Roj (Charging Cord) cia nyob tom tsev thiab siv los txhab roj (charge) rau lub Chromebook txhua hmo



Lub Hnab Ntim (Protective Case) - siv los nqa lub Chromebook txhua lub sij hawm.



Kev Saib Xyuas/Txuag Lub Chromebook

Txhua tus me nyuam kawm ntawv yuav tau pov plob saib xyuas/txuag lawv lub Chromebook, txoj hlua txhab roj (charging cord) thiab lub hnab ntim (protective case). Nqa lub Chromebooks uas puas los yog tsis ua hauj lwm xwm yeem mus rau tom Chav Saib Ntawv (LMC) kom sai li sai tau coj mus muab luj xyuas kho rau. **Thov nej tus kheej tsis txhob muab nws kho los yog nqa nws mus rau ib tug neeg sab nrauv kho hlo li.**

Kev Ceev Lub Chromebook

Thaum tsis siv lawm, muab lub Chromebook tso rau hauv lub hnab tsev kawm ntawv muab thiab muab tso rau ib qhov chaw ruaj ntseg uas tus me nyuam kawm ntawv yuav tsom kwm tau lub Chromebook txhua lub sij hawm. Yuav tsum tsis txhob muab cov Chromebooks tso rau hauv tsheb, tej qhov chaw kub kub los yog txias txias, los yog tsis saib xyuas.

Kev Lim (Filtering)

Nyob rau kev koom tes nrog lub zej zog thiab cov yim neeg, peb yuav koom tes los muab txoj kev kawm ruaj ntseg thiab nyab xeeb nyob online ntxiv mus rau peb cov me nyuam kawm ntawv. Nrog rau txoj kev qhia cov ntaub ntawv digital thiab qhov los mus ua cov pej xeeb digital pov plob rau cov me nyuam kawm ntawv, peb xyuas meej kom lim tau kev tshawb fawb internet nyob hauv cheeb tsam tsev kawm ntawv, thiab nyob sab nrauv ntawm cheeb tsam tsev kawm ntawv los ntawm peb qhov firewall thoob plaws cheeb tsam tsev kawm ntawv. Qhov no txhais tau tias tsis hais siv lub cuab yeej los yog mus saib cov websites nyob qhov twg, yuav tsum yog tej yam raug ntseg raug muag rau tsev kawm ntawv. MMSD kho rawv peb lub lim tsis tu ncu, tab sis qee lub sij hawm kuj muaj tej yam tsis raug ntsej rau muag mus dhau peb lub lim thiab yuav tsum cej luam rau Feem Khiav Hauj Lwm Saib Xyuas Cuab Yeej/Tshuab (Technical Services Department). Yog tias cov me nyuam kawm ntawv los yog cov yim neeg tshawb pom tej qhov website tsis raug ntsej raug muag, thov cej luam rau tsev kawm ntawv tus neeg ua hauj lwm hauv tsev saib ntawv los koom tes nrog rau tsev kawm ntawv tsoom thawj coj thiab Feem Khiav Hauj Lwm Saib Xyuas Cuab Yeej/Tshuab los kho qhov teeb meem rau.

Niam Txiv Siv

Peb xav kom cov niam txiv/cov saib xyuas kub siab los tsom kwm thiab saib xyuas cov me nyuam kawm ntawv thaum lawv siv lub Chromebook nyob tom tsev. Cov niam txiv qhov kev siv tus me nyuam kawm ntawv cov cuab yeej sib txuas lus nrog cov xib fwb thiab tsev kawm ntawv cov neeg ua hauj lwm, txheeb xyuas thiab tsom kwm me nyuam cov qhab nee, thiab pab cov me nyuam kawm ntawv ua ntaub ntawv.





Cov Kev Cai Tswj Tej Cuab Yeej Digital Nqa Mus Tsev

Cov Cuab Yeej Pwas, Ploj los yog Raug Nyiag

MMSD nkag siab tias cov teeb meem kuj yuav tshwm sim tau cov cuab yeej.

Yog tias tus me nyuam kawm ntawv ua lub cuab yeej puas vim yog tsis saib xyuas zoo los yog txhob txwm siv kom puas, tus me nyuam kawm ntawv/tsev neeg yuav tau pov plob rau qhov nqi kho los yog hloov ntawd.

Kev Ua Txhaum	Tus Nqi
Kev Ua Txhaum Zaum 1	50.00
Kev Ua Txhaum Zaum 2	100.00
Kev Ua Txhaum Zaum 3	Tus nqi ntawm lub Chromebook

Yog tias lub Chromebook raug nyiag lawm, tus me nyuam kawm ntawv/tsev neeg yuav tsum muab tub ceeb xwm daim ntawv cem luam rau tsev kawm ntawv Tus Tuam Thawj Xib Fwb los yog Tus Ua Hauj Lwm Hauv Chav Saib Ntawv (Library Media Technology Specialist) nyob rau hauv 48 xuab moos tom qab raug nyiag lawm. Yog tias muab tsis tau cov ntaub ntawv cej luam, tus me nyuam kawm ntawv/tsev neeg yuav raug pov plob rau lub Chromebook raug nyiag ntawd.

Cov Chromebooks muaj qhov software taug qab nrog (GPS locator) uas yuav muaj cuab kav nrhiav tau yog tias lub cuab yeej raug nyiag lawm los yog cej luam tias raug nyiag lawm. Qhov software tsuas yog ua hauj lwm thaum:

» tsev kawm ntawv tus tuam thawj xib fwb kee kom nrhiav, feem ntau, vim yog lub cuab yeej tau ploj hauv cheeb tsam tsev kawm ntawv lawm

» niam txiv cej luam tias lub cuab yeej ploj lawm los yog raug nyiag lawm

Yog tias lub cuab yeej ploj lawm los yog puas ntau tshaj qhov yuav kho tau lawm, tsev kawm ntawv yuav **kom tus me nyuam kawm ntawv them raws li tus nqi muab teev tseg**, los ntawm Tsoom Fwv Tswj Kev Kawm Tsab Cai 3710 (Cov Nqi, Cov Nqi Xauj, thiab Cov Nqi Nplua).

Kev Thab Plaub Nyob Online (Cyberbullying)

Peb npaj siab los muab qhov chaw kawm uas txhua tus me nyuam kawm ntawv muaj kev ruaj ntseg, muaj sib fwm, thiab muaj kev txais tos zoo. Kev thab plaub txhua yam yuav tsis tso cai ua rau lwm tus – qhov no xws li Kev Thab Plaub Nyob Online tib si.

Kev Thab Plaub Nyob Online yog qhov kev thab plaub uas muaj nyob rau hauv cov cuab yeej digital xws li cell phones, computers thiab tablets. Kev Thab Plaub Nyob Online muaj cuab kav tshwm sim tau los ntawm kev sib ntaus ntawv xa tawm thiab cov apps (texting & apps), los yog nyob online hauv tej kev sib tham nyob online (social media), kev sib tham tawm tswv yim (forums), los yog kev twv txiaj (gaming) uas yog cov neeg muaj cuab kav saib pom, sib koom rau hauv, los yog sib qhia cov ntsiab lus tau. Kev thab plaub nyob online xws li kev xa lus tawm, kev tso lus/duab, los yog kev nthuav qhia tej yam tsis zoo, phom sij, tsis tseeb, los yog tej ntsiab lus hais txog qee leej. Nws kuj yuav yog kev sib qhia tej yam txog tus kheej los yog tej yam tsis xav pub lwm tus paub hais txog qee leej ua rau txaj muag los yog poob ntsej muag. Tej yam kev thab plaub nyob online kuj hla tau mus rau tej yam txhaum cai los yog plaub ntug.

MMSD cov me nyuam kawm ntawv yuav tsum ua raws tej yam yuav tau ua li teev tseg rau hauv Cheeb Tsam Tsev Kawm Ntawv Tsab Cai Tiv Thaiv Kev Thab Plaub – hauv Nroog Madison Cheeb Tsam Tsev Kawm Ntawv Tsab Cai 4510 [Tiv Thaiv Kev Thab Plaub] thiab yog xav paub ntxiv cov niam txiv yuav mus saib peb Cheeb Tsam Tsev Kawm Ntawv Qhov Website Tiv Thaiv Kev Thab Plaub los tau.

Yog tias muaj kev thab plaub nyob online hauv MMSD ib lub cuab yeej, cov niam txiv/cov saib xyuas yuav muaj cuab kav mus saib tau cov ntawv “Cej Luam Txog Qhov Teeb Meem Thab Plaub/Ua Saib Tsis Taus” nyob hauv lawv chav tuav hauj lwm (main office) los yog online. Cov ntawv cej luam no yuav tau muab mus rau ib neeg ua hauj lwm nyob rau tom tsev kawm ntawv ces mam muab cev rau tus tuam thawj xib fwb kom muab qhov kev soj ntsuam tsim nyog.

TJ McCray

Director of Instructional Technology & Media Services
tjmccray@madison.k12.wi.us
608-663-5231

Cov Lus Nug Sawv Daws ? Nquag Nug (FAQs)

Yog xav paub ntxiv thiab xav paub kev saib xyuas cov Chromebooks, thov mus saib daim ntawv hais txog
<https://technology.madison.k12.wi.us/take-home-policy-faqs>